



Hesên Îbrahîm

Kursîk

-1-

- Diyar e tu mirovekê gelek zanayî?
-Ez zêrevanê cenabê te me, her di xizmeta te de me.
-Erê rast e, lê tu gelek ji min zana û xwandevantir î, te şiyânên zanistî hene.
-Dibe, lê min bext nîne, min çu mirovên xwedan desthelat nînin.
-Çi ye? Te divê bibiye xwedan kursîk?
-Na, na, kursîk nehîviya min e, tinê ez bişêm şiyânên xwe bêxime di xizmeta milletî de.
-Rast e, te şiyan hene, lê tu korebî, tu li ser vê kursîkê rûnanî ...!

-2-

- Tu dizanî xwedanê bêla û trompêlên han, herroj êvarî, demê karê wî bi dawî dihê, kursîka xwe li gel xwe dihîne malê?
-Ew çawa babo? Ma dê kursîka wî bireve?!
-Erê, bawer bike, bi şev li ser dinive!
-Te nezanî ji ber çi ye?
-Nexêr, lê keça wî digote keça min, babê min ditirse bi şev yek li ser kursîka wî rûne.

-3-

- Seyda, rast e cenabê te berpirsekê mezin û xwedan şiyan e, lê em hevalên şoreşê bûn. Me gelek caran nanê tirsî pêkve xwariye, gelek caran xwîna me têkel bûye û tu...
-Bibore, ew roj çûn, niho rojeka dî ye, niho cihekê dî ye!
-Tinê min divê, tu ji kerema xwe rastiye bibêjî, çi li wê belênê hat, ewa te di gel me gotî?
-Wek min gotî, divê hûn bêhna xwe fireh bikin.
-Heta kengî? Em bawer nakin.
-Na, na, bawer bikin...ez careka dî bi her sê kursîkên xwe ve sûnd dixum, hewe ji bîr nekim.
Hemû li hêviya kursîka çarê man ...